

Rob. Cur-
thofe Dux
Norman-
niæ.

quoad ei de injuriis cumulate satisfaceret. Quo-
modo vero Robertus *Curthofe* Guilielmi Con-
quæstoris filius natu maximus, vir bellica virtute
stolide ferox, spe Anglici imperii à minoribus
fratribus excussus, oculisque orbatus in hoc cas-
tro consenuerit, ex nostris, si placet, historicis
quæras, simulque discas ex Regia familia nasci,
nec tranquillum nec tutum esse.

Sully, forte
à Siluri-
bus.
Barry.

Vix tribus à *Taffi* ostio milliaribus, in ipso lit-
toris flexu insulæ sternuntur duæ exiguæ, sed
amænæ, tenui freto tum à se, tum à continente
discretæ, citerior *Sully* dicitur, ex oppido objecto,
cui Robertus de *Sully* (illi enim in divisione obti-
gerat) nomen fecisse creditur, si non illum inde
denominatum mavis. Vltior *Barry* vocatur à
Barucho viro sancto ibi sepulto, qui ut loco no-
men, sic locus cognomen fecit suis postea Domi-
nis. Clara enim Vicecomitum *Barrorum* familia
in Hibernia inde originem duxit. In hujus rupe
marina, inquit *Giraldus*, apparet rima permodica, ad
quam si aurem apponas, audies strepitum quasi opera fa-
brilis, nunc folium flatus, nunc martellorum ictus, nunc
cotis, & ferri sonora fricamina, stridentesque cavernis stri-
cturas chalybum, & anhelum fornacibus ignem. Cæterum
haud difficile crediderim, ex aquis marinis occulte subin-
trantibus sonum hujusmodi provenire posse, nisi quod non
minus refluxis fluctibus, vacuato prorsus littore, continua-
tur, quam repleto. Nec dissimilis erat locus ille, cu-
jus in *Stromatum VII*, his verbis meminit *Cle-*

Spelunca
mira.

mens *Alexandrinus*, Dicunt qui conscripserunt histo-
rias, in *Britannia* insula esse quandam speluncam monti
subjectam, in fastigio autem hiatum, cum autem ventus
incidit in speluncam & in ejus sinu alliditur, audiri sonum
cymbalorum, quæ numerose pulsantur. Rejctus enim spi-
ritus sonat vehementius. Ab his insulis recta in Occi-
dentem Solem littus agitur, fluminique uni se

Cowbridge.

patefacit, cui interius superimponitur *Cowbridge*,
Britannis à saxo ponte *Pont-van*, mercatorium
oppidum, & ex tribus illis secundum, quod vi-
ctor *Fitz-Haimo* sibi retinuit. Quod autem hoc
in tractu, & ad hanc ab *Isca* distantiam *Bo-*

Bovium.

vium, quod etiam corrupte *BoMivm* concipitur,
collocarit *Antoninus*, hoc *Bovium* fuisse
blandiente conjectura opinatus sum: verum
cum ad tertium hinc milliæ sit *Boverton*, quod
cum *Bovio* apposite consonet, ita me veritas
amet, non alibi *BOVIVM* indagare ausim. Nec
à bobus nomina locis accommodari novum esse,
loquuntur *Bosphorus Thracius*, *Bovianum Sam-*
nitum, & *Bauli Italiae*, quasi *Boalia*, si *Symacho*
credas. Sed hoc sit instar omnium, quindecim
mill. à *BOVIO NIDVM* oppidum Latino etiam
nomine posuit *Antoninus*, quod licet *Antiquarii*
nostri frustra jam diu venati sint, ad eandem ta-
men ipsam distantiam *Neath* notissimum oppi-
dum nomine vetusto quasi incolumi sese offert,
& hic ad *Lantwith*, id est, *Fanum Ilruti*, quod con-
tiguum est, complurium ædificiorum fundamen-
ta cernuntur, & vicos habuit antiquitus diver-
sos. Parum hinc distat in ipso fere littoris flexu

Neath.

I. Strad-
ling.

Castrum *S. Donati*, antiquæ & claræ *Stadlingorum*
familie habitatio, juxta quod nuperrime effossi
fuerunt nummi antiqui Romanorum, præcipue
vero triginta tyrannorum, & nonnulli *Æmiliani*,
& *Marii*, qui rarius reperiuntur. *Ogmor* fluvius
paulo superius viam sibi in mare aperit delapsus

S. Donat.
Nummi
antiqui.

Ogmor. fl.

à montibus per *Coitie*, quondam *Turbevillorum*,
postea *Gamageorum*, nunc uxorio jure *Rob. Sidney*
Vicecomitis Insulæ, & *Ogmor* Castrum, quod à
Londinensi familia ad *Lancastrenses* devenit.
Fons abhinc abest paucis milliaribus ad *Novam-Villam*
(ut ad me scribit vir doctissimus *I. Stradling*) op-
pidulum ab *Occidua* ripa *Ogmor* fluvii, à *Sabriniano* lit-
tore centum fere passus, in planitie arenosa. *Lympha* ni-
tidissima non est, sed satis pura & usui apta: nunquam
scaturit, sed descenditur in puteum nonnullis gradibus. In
refluxu maris (æstivo tempore) vix disco aquam colligas,
cum mox defluente freto eandem haustro capaci bene hau-
rias. Instabilitas itidem hyeme manet, sed longe minus
apparet, propter adventitias desuper ab imbribus & aliunde
aquarum venas. Hæc mihi ex indigenis complures fide
digni confidenter asseverant. At enim dum famam sæpe
garrulam male metuerem, ad sacras aquas semel atque ite-
rum me nuper contuli. Modo enim animum invaserat de-
siderium hæc ad te scribendi. Vbi primum ventum est ad lo-
cum, omnia perlustrans tertiam horæ partem commoratus
(astuante *Sabrina*, nec quoquam ad hauriendum acceden-
te) aqua defecit circa tres pollices. Discedo. Non ita multo
post reversus, crevisse uno pede altius deprehendo. Fontis
autem orbis inferior intra parietes propemodum sex pedes
latus est. De quo etiam hoc succinit nostra *Musa*:


Fons
fluens &
refluens.
Sandfords
Well.

Te *Nova-Villa* fremens, odioso murmure *Nympha*
Inclamat *Sabrina*: soloque inimica propinquo,
Evomit infestas ructu violenter arenas.
Damna pari sentit vicina sorte: sed illa
Fonticulum causata tuum. Quem virgo, legendo
Littus, ad amplexus vocitat: latet ille vocatus
Antro, & luctatur contra. Namque æstus utrique est
Continuo motu refluxus, tamen ordine dispar.
Nympha fluit propius. Fons defluit. Illa recedit.
Iste redit. Sic livor inest & pugna perennis.

Hujusmodi fontem in *Gadibus* refert *Poly-*
bios, causamque hanc reddit, spiritum, cum suis
exitibus solitis privetur, introrsum reverti, ob-
structisque fontis meatibus aquas includere, rur-
sumque denudata aquis superficie venas fontis
liberari ob-

Fons in
Gadibus.

structione, at-
que ita tum
aquam co-
piose ebulli-
re. Hinc littus
legenti oc-
currunt *Kin-*
seage, ipsius
Fitz-Haimonis
olim castrum,
& *Margan* ad
mare, quon-
dam cæno-
bium à *Guil-*
ielmo *Comite*
Glocestriæ
fundatum,
nunc sedes
claræ, & *E-*
questris fa-
milie *Maun-*
sellorum. Prope
hoc *Margan*



Boduoc.

in cacumine montis, qui dictus *Mynydd Margan*,
ex saxo durissimo cippus erigitur IIII pedes
lon-